

Օգոստ. 15-ին, խորհրդարանում, փոխ-վարչապետ Ա. Սահակեանը զեկուցում տւեց մահմետական շարժումների մասին: «Մենք, ասաց նա, հետզհետէ շրջապատուում ենք երկաթէ օղակով: Թշնամին ուզում է ներխուժել մեր երկիրը... Կառավարութիւնը բաւարար չգտնելով ներկայ գինւորական ոյժը՝ կոչ է անում ժողովրդին զոհարել իր գոյքն ու կեանքը: Այժմ կառավարութիւնը գիմելով այս բարձր ժողովին՝ յայտնում է, որ կարիք ունի հեղինակաւոր գործիչների և սպառազամաւորներից օգնութիւն ստանալու յոյս ունի»:

Խորհրդարանը ընդառաջ գնաց կառավարութեան գիմումին և որոշեց 1) յայտարարել հայրենիքը վտանգի մէջ և հրաւիրել ժողովուրդը՝ լարել բոլոր ուժերը երկրի պաշտպանութեան համար, 2) բԺ.Յ.Տէր-Դաւթեանից, Լ. Թադէոսեանից, Յ. Արղութեանից և Հ. Մանուկեանից բաղկացած խորհրդարանական մի յանձնախումբ ուղարկել զօրաճակատ՝ ողջունելու համար զօրքին և բանակի բարեկաման ծրագիր բերել, 3) կոչ ուղղել դաշնակից երկրների խորհրդարաններին:

Մի քանի օրւայ արիւնահեղ կռիւներից յետոյ, հայկական զօրքերը ամրացան գիրքերում Բէռլին-Վեդլի առջև և վերջ տւին գործողութիւններին. գրութիւնը սկսել էր լրջանալ երկրի միւս մասերում էլ*):

Շարուր-Նախիջևանի գէպքերը, ամենից առաջ, արձագանգ գտան և Սուրմալու—Կողբի շրջանում, ուր հայկական իշխանութիւնը հաստատուել էր մայիս 27-ին: Օգոստ. 7-ին յարձակումներ սկսեցին Կողբից հարաւ կանգնած հայկական զօրամասի վրա: Առաջին յարձակումը յետ մղւեց, բայց օգոստ. 18-ին թուրքերը գրոհ տւին նոր թափով: Ապստամբացին և հայ զօրքերի թիկունքում գտնուող Ղամըշլու, Ագարակ և Աբաս Գէոլ գիւղերը, և հայկական զօրամասը ստիպւած եղաւ թողնել Կողբն ու քաշւել Արաքսի ափը: Նրանց հետ հեռացան և մօտ 5000 հայ ու եղիղի բնակիչներ:

Օգոստ. 23-ին թուրքերը սկսեցին սպառնալ և էջմիածնի կայարանին ու սպանեցին շրջակայ գիւղերից 8 հայ: Օգոստ. 24-ին, Ներքին Ղարխուն գիւղի մօտ ընդհարում տեղի ունեցաւ ապստամբ թուրքերի և մի հայկական վաշտի միջև. վիրաւորեցին 5 հայ գինւորներ և 1 սպայ: Օգոստ. 25-ին Շոուրու գիւղի բնակիչները հրաժարեցին ճանաչել Հայաստանի իշխանութիւնը: Օգոստ. 26-ին թուրքերը կրակ բաց արին էջմիածնից Ղարխուն մեկնող ամերիկացիների վրա: Օգոստ. 29-ին Ուլուխանյու—էջմիածնի ճանապարհին սպանեցին հիւանդանոցից իրենց զօրամասը վերադարձող 4 գինւորներ: Ամբողջ Ձանգիրասարը յայտարարեց իրեն ապստամբ և մերժեց ճանաչել հայկական իշխանութիւնը: Ձանգիրասարցիներին ղեկավարում էր Խալիլ բէյի համհարզ Մահմէդ բէյը և մի շարք թիւրք չաուշներ:

*) Բէռլին-Վեդլի կռիւների ժամանակ, հայ կոմունիստները նրանում բաց քողեցին կառավարութեան դէմ ուղղւած մի քառուցիկ, որով դասալէութեան էին հրաւիրում զինուորացիներին: Թռուցիկի հեղինակները ձերբակալւեցին և արտաքսւեցին Հայաստանից: